



Broj: 10-01-11-363-6/21

Mostar, 29. decembra 2021.

Na osnovu člana 5. Zakona o kantonalnim ministarstvima i drugim organima kantonalne uprave („Službene novine Hercegovačko-neretvanskog kantona“, broj: 4/98, 1/02 i 4/07) i Odluke Vlade HNK o usvajanju Programa utroška sredstava s kriterijima raspodjele sredstava „Transfer za jačanje turističkih kapaciteta“ utvrđenih Budžetom HNK za 2021. godinu Ministarstvu trgovine, turizma i zaštite okoliša, broj: 01-1-02-3281/21 od 21. decembra 2021. godine, Ministarstvo trgovine, turizma i zaštite okoliša, objavljuje

JAVNI POZIV

za podnošenje prijava za dodjelu finansijske pomoći poslovnim subjektima iz turističko-ugostiteljskog sektora Hercegovačko-neretvanskog kantona iz sredstva „Transfer za jačanje turističkih kapaciteta“ planiranih Budžetom HNK za 2021. godinu

I

(Predmet javnog poziva)

Predmet Javnog poziva je prikupljanje prijava za raspodjelu sredstava „Transfer za jačanje turističkih kapaciteta“ utvrđenih u razdjelu 35, ekonomski kod 614400 Budžetu HNK za 2021. godinu Ministarstvu trgovine, turizma i zaštite okoliša („Službene novine HNK“, broj 9/20).

II

(Cilj i namjena sredstava)

Opći cilj Programa je nadoknada dijela ili svih plaćenih troškova poslovanja preduzetnicima kojima je narušena privredna aktivnost zbog posebne okolnosti uslovljene korona virusom.

Sredstva iz tačke I Javnog poziva namjenska su sredstva koja će se koristiti za pomoć pogodnim djelatnostima iz turističkog sektora za pokretanje i normalizaciju tekućeg poslovanja i to za:

- isplatu minimalnih plaća sa svim pripadajućim porezima i doprinosima za period 1.6.2021. do 31.12.2021.
- pokrivanje troškova poslovanja nastalih u istom periodu (uključivo trošak najma, zakupa poslovnog prostora u kojem se obavlja djelatnost, trošak električne energije, vode uz pripadajuće naknade, trošak odvoza komunalnog otpada, trošak komunalne naknade, trošak interneta, fiksne i mobilne telefonske linije, trošak usluge knjigovodstvenog servisa, trošak održavanja informacijskog sistema i sl.)
- pokrivanje troškova tekućeg održavanja poslovnih objekata i opreme.

III

(Raspored sredstava i pravo učestvovanja)

Sredstva iz tačke I ove odluke raspodjeljuju se po sljedećim grupama poslovnih subjekata:

- 1. POSLOVNI SUBJEKTI IZ DJELATNOSTI SMJEŠTAJA KD 55 u ukupnom iznosu od 1.000.000,00 KM (slovima: milion konvertibilnih maraka i 00/100) i to:**
 - Šifra djelatnosti 55.10 u ukupnom iznosu 500.000,00 KM pri čemu iznos pojedinačne odnosno pomoći jednom korisniku ne smije prelaziti iznos od 40.000,00 KM;
 - Šifra djelatnosti 55.20 i 55.30 u ukupnom iznosu 400.000,00 KM; pri čemu iznos pojedinačne odnosno pomoći jednom korisniku ne smije prelaziti iznos od 10.000,00 KM
 - Šifra djelatnosti 55.90 u ukupnom iznosu 100.000,00 KM, pri čemu iznos pojedinačne odnosno pomoći jednom korisniku ne smije prelaziti iznos od 20.000,00 KM.

Prihvatljivi korisnici: Pravna i fizička lica koja imaju rješenje o vrsti i kategoriji ugostiteljskog objekta za smještaj iz grupa **HOTELI I SLIČAN SMJEŠTAJ** (šifra djelatnosti 55.10 - hoteli, moteli, turistička naselja,...), **ODMARALIŠTA I SLIČNI OBJEKTI ZA KRAĆI ODMOR** (šifra djelatnosti 55.20 - stanovi za odmor, seoske kuće, omladinski hoteli, planinarski domovi, ...), **KAMPOVI I PROSTORI ZA KAMPIRANJE** (šifra djelatnosti 55.30 - kampovi i prostor za kampiranje) i **OSTALI SMJEŠTAJ** (šifra djelatnosti 55.90 - studentski domovi, učenički domovi, ...)

Neprihvatljivi korisnici: Korisnici koji su u stečaju ili nad kojima je pokrenut postupak stečaja ili likvidacije; korisnici koji nisu opravdali namjensko trošenje budžetskih sredstava iz JP za 2018., 2019. i 2020. godinu; korisnici koji imaju dospjele a neizmirene obaveze po osnovu doprinosa, direktnih i indirektnih poreza zaključno sa 30.6.2021. a za koje nisu zaključeni sporazumi o obročnom plaćanju duga i/ili koji uredno ne izmiruju dospjele obaveze po zaključenom sporazumu; korisnici čiji su glavni računi na dan podnošenja zahtjeva blokirani.

Uslovi za ostvarivanje prava na finansijsku pomoć: Pravo na pomoć imaju smještajni objekti koji imaju sjedište/prebivalište na području Hercegovačko-neretvanskog kantona pod uslovom:

- Da su registrovani na području Hercegovačko-neretvanskog kantona
- Da obavljaju gore navedene djelatnosti kao osnovne djelatnosti ili da je ista glavna djelatnost registrovane poslovne jedinice.
- Da su ostvarili pad oporezivog prometa od najmanje 30% u periodu od 1.4. do 30.9.2021. u odnosu na oporezivi promet u istom periodu u 2019.
- Da u tekućoj godini nisu iz drugih izvora primili dodatna sredstva po istom osnovu.*

- 2. POSLOVNI SUBJEKTI IZ DJELATNOSTI PRIPREME I USLUŽIVANJA HRANE I PIĆA u ukupnom iznosu od 400.000,00 KM (slovima: četiristo hiljada konvertibilnih maraka i 00/100) pri čemu iznos pojedinačne odnosno pomoći po jednom korisniku ne smije prelaziti iznos od 20.000,00 KM.**

Prihvatljivi korisnici: Pravna i fizička lica koja imaju rješenje o vrsti i kategoriji ugostiteljskog objekta za pripremu i usluživanje hrane i pića iz grupe **DJELATNOSTI RESTORANA I OSTALIH OBJEKATA ZA PRIPREMU I USLUŽIVANJE HRANE KD 56** (šifra djelatnosti 56.10).

Neprihvatljivi korisnici: Korisnici koji su u stečaju ili nad kojima je pokrenut postupak stečaja ili likvidacije; korisnici koji nisu opravdali namjensko trošenje budžetskih sredstava iz JP za 2018., 2019. i 2020. godinu; korisnici koji imaju dospjele a neizmirene obaveze po osnovu doprinosa, direktnih i indirektnih poreza zaključno sa 30.6.2021. a za koje nisu zaključeni sporazumi o obročnom plaćanju duga i/ili koji uredno ne izmiruju dospjele obaveze po zaključenom sporazumu; korisnici čiji su glavni računi na dan podnošenja zahtjeva blokirani.

Uslovi za ostvarivanje prava na finansijsku pomoć: Pravo na pomoć imaju ugostiteljski objekti koji imaju sjedište/prebivalište na području Hercegovačko-neretvanskog kantona pod uslovom:

- Da su registrovani na području Hercegovačko-neretvanskog kantona
- Da obavljaju gore navedenu djelatnost kao osnovnu djelatnosti ili da je ista glavna djelatnost registrovane poslovne jedinice.
- Da su ostvarili pad oporezivog prometa od najmanje 30% u periodu u od 1.1. do 30.9.2021. u odnosu na oporezivi promet u istom periodu u 2019.
- Da nisu iz drugih izvora primili dodatna sredstva po istom osnovu.*

*Odnosi se na sredstva za iste namjene primljena od jedinica lokalne samouprave (gradova/općina i Federacije BiH)

IV

(Bez prava učestvovanja)

Pravo učestvovanja na Javnom pozivu nemaju: javna preduzeća, udruge, javne institucije, razvojne agencije, agencije, turističke zajednice, organi uprave, organi i jedinice lokalne samouprave, pravna lica s javnim ovlaštenjima na teritoriju HNK, grada ili općine, javne ustanove i javna preduzeća čiji je osnivač kanton, grad i općina te privredna društva u kojima kanton, grad ili općina sudjeluje s više od 50% kapitala.

V

(Kriteriji za dodjelu sredstava)

Prilikom vrednovanja pristiglih prijava primjenjivat će se sljedeći kriteriji:

- Procentualno učestvovanje korisnika po šiframa djelatnosti iz tačke II ovog poziva u ukupno ostvarenom oporezovanom prometu u 2019. godini za PDV obaveznike ili ukupno ostvarenom prometu za 2019. godinu za korisnike koji nisu u sistemu PDV-a, a koji ispunjavaju formalno pravne uslove za tu šifru djelatnosti – udio ovog kriterija je 50%
- Procentualno učestvovanje broja zaposlenih kod korisnika na dan 30.9.2021. u odnosu na ukupan broj zaposlenih kod svih korisnika koji ispunjavaju formalno pravne uslove za tu šifru djelatnosti – udio ovog kriterija je 50%.

VI

(Dokumentacija za učestvovanje na Javnom pozivu)

Obavezna dokumentacija ZA SVE PODNOSIOCE mora sadržavati:

1. Popunjen i ovjeren Obrazac prijave (Obrazac 1)
2. Popunjen i ovjeren obrazac Izjave (Obrazac 2)
3. Potpisana i ovjerenu izjavu o primljenim deminimis pomoćima i drugim državnim pomoćima (Obrazac 3)
4. Za pravna lica Rješenje o registraciji ili aktuelni izvod iz sudskog registra, za fizička lica Rješenje nadležnog organa

5. Uvjerenja o poreznoj registraciji (ID - identifikacijski broj i PDV broj ukoliko je podnositelj prijave PDV obaveznik)
6. Uvjerenje Federalnog zavoda za statistiku o razvrstavanju prema glavnoj šifri djelatnosti po KD BiH 2010
7. Uvjerenje/potvrdu nadležne organizacijske jedinice Porezne uprave Federacije BiH da podnositelj prijave nema neizmirenih obaveza po osnovu javnih prihoda zaključno sa 30.6.2021. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze
8. Uvjerenje/potvrdu nadležne organizacijske jedinice UIO BiH da podnositelj prijave nema neizmirenih obaveza po osnovu indirektnih poreza zaključno sa 30.6.2021. ili ukoliko ih ima da je sklopljen sporazum o obročnom plaćanju duga i da se uredno izmiruju dospjele obaveze.
9. Uvjerenje komercijalne banke da je žiro-račun podnosioca prijave aktivan

VAŽNO, ZA PODNOSIOCE ZAHTJEVA IZ ŠIFRE DJELATNOSTI KD 55 koji su posjedovali privremena rješenja izdata na osnovu Zakona o ugostiteljskoj djelatnosti HNK („Službene novine HNK“, broj 12/17), a u međuvremenu nisu ishodili upotrebnu dozvolu, uz naprijed navedenu dokumentaciju potrebno je priložiti dokaz o podnesenom zahtjevu za izdavanje privremenog rješenja u skladu sa Odlukom o privremenim rješenjima izdatim na osnovu Zakona o ugostiteljskoj djelatnosti, broj 01-1-02-2666/21 od 4. novembra 2021. (odluka dostupna na <https://mtto-hnz-k.ba>).

Dokumentacija koja se prilaže uz prijavu može biti original ili ovjerena kopija, ne starija od tri (mjeseca) mjeseca u odnosu na dan podnošenja prijave.

VII

(Važne napomene)

Ministarstvo trgovine, turizma i zaštite okoliša će službenim putem od Porezne uprave Federacije BiH zatražiti sljedeće podatke:

- Ukupno ostvareni oporezivi promet za PDV obaveznike, a za subjekte koji nisu u sistemu PDV-a ukupno ostvareni promet, za period od 1.4. do 30.9.2019. i za period 1.4. do 30.9.2021. godine evidentiran putem fiskalnih sistema na serveru Porezne uprave F BiH, a kako bi se utvrdilo da li je podnositelj prijave ostvario pad oporezivog prometa od najmanje 30%.
- Broj zaposlenih na dan 30.9.2021. godini.

VAŽNO, navedeni podaci dobijeni od Porezne uprave F BiH jedini su mjerodavni prilikom ocjenjivanja ispunjavanja formalno-pravnih uslova za učestvovanje kao i kod vrednovanja kriterija.

VIII

(Zajedničke odredbe)

a) Način podnošenja prijave

Prijave za dodjelu novčanih sredstava podnose se Ministarstvu trgovine, turizma i zaštite okoliša HNK na aplikacijskom obrascu koji se može preuzeti na službenim mrežnim stranicama Ministarstva (www.mtto-hnz-k.ba) i Vlade HNK (www.vlada-hnz-k.ba)

Popunjeni prijavni obrasci zajedno s prilogima koji se zahtijevaju Javnim pozivom dostavljaju se **ISKLUČIVO POŠTOM, PREPORUČENO U ZATVORENOJ KOVERTI** na adresu:

MINISTARSTVO TRGOVINE, TURIZMA I ZAŠTITE OKOLIŠA HNK
Prijava na Javni poziv
„Transfer za jačanje turističkih kapaciteta“ – ŠIFRA DJETALNOSTI ___
NE OTVARAJ
Braće Fejića bb, 88 000 Mostar

b) Rok za podnošenje prijava

Rok za podnošenje prijava na osnovu objavljenog Javnog poziva istječe u **petak, 14. januara 2022. godine.**

c) Način objave rezultata

Objavom odluke o dodjeli sredstava na službenim mrežnim stranicama Ministarstva trgovine, turizma i zaštite okoliša i Vlade HNK svi podnosioci prijava smatraju se obaviještenim o rezultatima Javnog poziva.

d) Dodatne informacije

Sva dodatna pitanja u vezi ovog javnog poziva mogu se postaviti svakim radnim danom u terminu od 11 do 13 sati na broj telefona 036 552 922.

IX

(Završne odredbe)

S korisnicima koji ispune uslove i kriterije za dodjelu sredstava iz Javnog poziva, Ministarstvo trgovine, turizma i zaštite okoliša zaključit će ugovor o međusobnim pravima i obavezama.

Korisnici sredstava kojima budu odobrena sredstva obavezni su Ministarstvu trgovine, turizma i zaštite okoliša dostaviti izvještaj o namjenskom utrošku dodijeljenih sredstava s originalnom dokumentacijom na osnovu koje se dokazuje namjenski utrošak sredstava.

